

L'Axencia Asturiana de Cooperación al Desenvolvimientu entama la cuarta edición d'esti concursu cola mira de fomentar nos y nes estudiantes d'Educación Secundaria Obligatoria y Bachilleratu los valores de solidaridá, respetu y xusticia social, motivar la creatividá de la mocedá, amás de llograr un acercamientu y conocimientu mayor de la vulneración de los Derechos Humanos nel mundu, pa que puean exercer un rol activu como axentes constructores d'una sociedá asturiana cada vez más solidaria y inclusiva.

Las obres tienen que tar rellacionaes colos derechos humanos fundamentales que recueye la Declaración Universal de los Derechos Humanos pola Asamblea Xeneral de les Naciones Uníes en 1948.



Categoría A: Microrrellatu-Primeru y segundu d'Educación Secundaria Obligatoria. Categoría B: Microrrellatu-Terceru y cuartu d'Educación Secundaria Obligatoria. Categoría C: Rellatu-Bachiller.



- a) Les obres habrán ser orixinales y inédites, escrites en castellanu, asturianu o eonaviego.
- b) Cada centru educativu va poder presentar un máximu de 3 obres por cada aula perteneciente a caún de los ciclos educativos según les categoríes recoyíes nel párrafu anterior.
- c) Cada alumnu o alumna va poder presentar una obra sola, que nun pue tar presentada a nengún otru concursu o certame.
- d) Los trabayos han presentase con lletra cuerpu 12, Century, per una sola cara, numberada, espaciáu 1,5.
- e) Nun va poder figurar el nome nin la firma del autor o autora en nenguna páxina del trabayu, siendo l'incumplimientu d'esta condición motivu d'esclusión del concursu. Na parte cimera de la primer páxina ha escribise'l títulu del relatu.
- f) La estensión de les obres nel casu de los rellatos ha ser d'ente 4 y 5 folios (escritos per una sola cara) y pa los microrrellatos, ente 1 y 2 folios (escritos per una sola cara)
- g) Los trabayos han ser individuales.



Estudiantes d'Educación Secundaria Obligatoria y Bachilleratu matriculaos en cualquiera de los centros educativos asturianos.



Van escoyese un máximu de cinco obres como finalistes de cada categoría y van premiase un máximu de trés obres por caúna de les categoríes.

Los premios van ser estos:

- Primer premiu: Cámara instantánea, valorada en 180 € y un llote de llibros.
- Segundu premio: Cámara instantánea, valorada en 130 € y un llote de llibros.
- Tercer premiu: Cámara instantánea, valorada en 90 € y un llote de llibros.

PRESENTACIÓN DE CANDIDATURES

Les solicitúes de participación habrán presentales los centros educativos (máximu de 3 obres por cada aula).

Plazu de presentación: hasta'l 15 de payares.

La solicitú ha presentase d'alcuerdu col modelu normalizáu y ha acompañase de:

a) Un sobre zarráu pa cada categoría a la qu'opten los participantes onde s'han incluyir los trabayos pertenecientes a la categoría mentada (cada rellatu, con títulu). Per fuera del sobre habrá figurar: el nome del certame "Concursu Iliterariu de Derechos Humanos", el nome del centru educativu y la categoría na que participen.

b) Un segundu sobre zarráu cola llista de los títulos de los rellatos, el nome y apellíos de los/les autores y la categoría na que participen. Per fuera del sobre habrá figurar: "Títulos y Autores", el nome del certame "Concursu Iliterariu de Derechos Humanos" y el nome del centru educativu.

La solicitú y los demás anexos de la convocatoria, amás de tola información referida a la mesma, atópense disponibles na ficha de serviciu publicada nel portal www.asturias.es incluyendo el códigu PREMO022T01 nel recuadru de busca.

Pue presentase al traviés del enllaz Tramitación Rexistru Electrónicu d'esa mesma páxina. Al traviés del Rexistru Electrónicu Xeneral de l'Alministración Xeneral del Estáu https://rec.redsara.es/registro/action/are/acceso.do. Nel Rexistru electrónicu de cualquiera de los suxetos a los que se refier l'artículu 2.1 de la Llei 39/2015. Los sobres zarraos puen unviase per corréu ordinariu o presentase directamente na Axencia Asturiana de Cooperación al Desenvolvimientu.







